



საქართველოს კულტურის, სპორტისა და ახალგაზრდობის სამინისტრო

საჯარო სამართლის იურიდიული პირი

თბილისის ვ. სარაჯიშვილის სახელობის

სახელმწიფო

კონსერვატორია

თბილისი 0108, გრიბოედოვის ქ. N 8-10 ტელ/ფაქსი:(+995 32) 2 999 144,

www.tsc.edu.ge ელ-ფოსტა: info@tsc.edu.ge; inter@tsc.edu.ge



KA000097539827123

№ 02-17-R

04 / მაისი / 2023 წ.

ბ რ ძ ა ნ ე ბ ა

სსიპ - თბილისის ვანო სარაჯიშვილის სახელობის სახელმწიფო კონსერვატორიის საშემსრულებლო ფაკულტეტის მიმართულებებზე პროფესორების და ასოცირებული პროფესორების სამსახურში მისაღებად კონკურსის გამოცხადების შესახებ

"უმაღლესი განათლების შესახებ" საქართველოს კანონის 22-ე მუხლის პირველი პუნქტის, 32-ე მუხლის 1-ლი და მე-2 პუნქტების, 33-ე მუხლის, 34-ე მუხლის პირველი და მე-2 პუნქტების, 35-ე მუხლის, საქართველოს კულტურისა და ძეგლთა დაცვის მინისტრის 2014 წლის 07 ივლისის N 05/90 ბრძანებით დამტკიცებული „საჯარო სამართლის იურიდიული პირის თბილისის ვანო სარაჯიშვილის სახელობის სახელმწიფო კონსერვატორიის წესდების“ მე-14 მუხლის პირველი პუნქტის, მე-8 პუნქტის "ა", "ბ" და "ო" ქვეპუნქტების, მე-9 პუნქტის, 26-ე და 27-ე მუხლების, 28-ე მუხლის 1-ლი და მე-2 პუნქტების, კონსერვატორიის აკადემიური საბჭოს 2021 წლის 17 მაისის #55/2021 დადგენილების - "სსიპ - თბილისის ვანო სარაჯიშვილის სახელობის სახელმწიფო კონსერვატორიის აკადემიური პერსონალის სამსახურში მიღებისა და კონკურსის ჩატარების ერთიანი წესის შესახებ" (დამტკიცებულია აკადემიური საბჭოს 2021 წლის 17 მაისის #55/2021 და წარმომადგენლობითი საბჭოს 2021 წლის 20 მაისის #18/2021 წლის დადგენილებებით, ცვლილებები შეტანილია კონსერვატორიის აკადემიური საბჭოს აკადემიური საბჭოს 2021 წლის 26 ივლისის #96/2021 და კონსერვატორიის წარმომადგენლობითი საბჭოს 2021 წლის 28 ივლისის #24/2021 დადგენილებებით), კონსერვატორიის აკადემიური საბჭოს 2021 წლის 17 მაისის #56/2021 დადგენილების „სსიპ - თბილისის ვანო სარაჯიშვილის სახელობის სახელმწიფო კონსერვატორიის აკადემიური თანამდებობის დაკავების საკონკურსო ვადების განსაზღვრის შესახებ“ (დამტკიცებულია კონსერვატორიის წარმომადგენლობითი საბჭოს 2021 წლის 20 მაისის № 19/2021 დადგენილებით) და კონსერვატორიის საშემსრულებლო ფაკულტეტის დეკანის 2023 წლის 01 მაისის N354 მოხსენებითი ბარათის საფუძველზე,

ვ ბ რ ძ ა ნ ე ბ ა:

- გამოცხადდეს კონკურსი სსიპ - თბილისის ვანო სარაჯიშვილის სახელობის სახელმწიფო კონსერვატორიის საშემსრულებლო ფაკულტეტის მიმართულებებზე პროფესორებისა და ასოცირებული პროფესორების სამსახურში მისაღებად;
- კონკურსი გამოცხადდეს 2023 წლის 10 მაისს. საკონკურსო დოკუმენტაციის წარმოდგენის ვადა განისაზღვროს 2023 წლის 15 ივნისიდან 2023 წლის 21 ივნისის ჩათვლით. საკონკურსო კომისიის შემაჯამებელი ოქმი კონსერვატორიის აკადემიურ საბჭოს წარედგინოს არაუგვიანეს 2023 წლის 14 ივლისისა.
- კონსერვატორიის აკადემიური საბჭოს მიერ კონკურსის შედეგების დამტკიცების ვადად განისაზღვროს არაუგვიანეს 2023 წლის 25 ივლისისა;

4. კონკურსი გამოცხადდეს საშემსრულებლო ფაკულტეტის მიმართულებებზე შემდეგი აკადემიური თანამდებობების დასაკავებლად:

4.1 სოლო აკადემიური სიმღერა:

- ა) პროფესორი - 2 (ორი) ადგილი;
- ბ) ასოცირებული პროფესორი - 1 (ერთი) ადგილი;

4.2 საოპერო მომზადება:

პროფესორი - 1 (ერთი) ადგილი;

4.3. საორკესტრო სიმებიანი საკრავები:

პროფესორი - 1 (ერთი) ადგილი;

4.4. საორკესტრო ჩასაბერი და დასარტყამი საკრავები:

პროფესორი - 1 (ერთი) ადგილი;

4.5. კლავიშოანი საკრავები:

პროფესორი - 2 (ორი) ადგილი;

4.6. საკონცერტმანისტერო დაოსტატება:

პროფესორი - 1 (ერთი) ადგილი;

4.7. კამერული ანსამბლის და კვარტეტის კლასი:

პროფესორი - 1 (ერთი) ადგილი;

4.8. აკადემიური გუნდის დირიჟორობა:

ასოცირებული პროფესორი - 1 (ერთი) ადგილი;

5. ა) პროფესორის თანამდებობაზე 6 წლის ვადით აირჩევა დოქტორი ან მასთან გათანაბრებული

აკადემიური ხარისხის მქონე პირი, ან/და პირი, რომელსაც აქვს მნიშვნელოვანი წვლილი შეტანილი პროფესიული კადრების მომზადებასა და საშემსრულებლო ხელოვნების განვითარებაში და აქვს აკადემიური უმაღლესი სამუსიკო საგანმანათლებლო პროგრამების განმახორციელებელ საგანმანათლებლო დაწესებულებაში შესაბამისი მიმართულებით პროფესორად ან ასოცირებულ პროფესორად პედაგოგიური და სამეცნიერო-შემოქმედებითი მუშაობის არანაკლებ 8 წლის გამოცდილება.

ბ) ასოცირებული პროფესორის თანამდებობაზე 4 წლის ვადით აირჩევა დოქტორი ან მასთან გათანაბრებული პირი, ან/და პირი რომელსაც აქვს წვლილი შეტანილი პროფესიული კადრების მომზადებასა და საშემსრულებლო ხელოვნების განვითარებაში და აქვს აკადემიური უმაღლესი სამუსიკო საგანმანათლებლო პროგრამების განმახორციელებელ საგანმანათლებლო დაწესებულებაში შესაბამისი მიმართულებით ასოცირებულ ან ასისტენტ პროფესორად პედაგოგიური და სამეცნიერო-შემოქმედებითი მუშაობის არანაკლებ 4 წლის გამოცდილება.

6. აკადემიურ თანამდებობებზე ასარჩევმა კანდიდატებმა უნდა წარმოადგინონ:

- 6.1 კონკურსანტის განცხადება საკონკურსო კომისიის სახელზე, დადგენილი ფორმის მიხედვით;
- 6.2. კონკურსანტის ანკეტა, შევსებული დადგენილი ფორმის მიხედვით;
- 6.3. პირადობის მოწმობის ასლი;
- 6.4. 1 (ერთი) ფოტოსურათი (ზომა: 3x4 სმ);

6.5. ცნობა ნასამართლობის შესახებ („უმაღლესი განათლების შესახებ“ 32-ე მუხლის მე-2 პუნქტის თანახმად, უმაღლეს საგანმანათლებლო დაწესებულებაში არ შეიძლება დასაქმდეს „სქესობრივი თავისუფლებისა და ხელშეუხებლობის წინააღმდეგ მიმართულ დანაშაულთან ბრძოლის შესახებ“ საქართველოს კანონით გათვალისწინებული სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის ნასამართლევი პირი ან/და პირი, რომელსაც იმავე კანონის საფუძველზე სასამართლომ ჩამოართვა საგანმანათლებლო დაწესებულებაში საქმიანობის უფლება);

- 6.6. ბოლო სამსახურებრივი პოზიციის (აკადემიური თანამდებობა/მოწვ.მასწ) დამადასტურებელი ცნობა, გაცემული შესაბამისი უწყების მიერ;
- 6.7. უმაღლესი განათლების დამადასტურებელი დოკუმენტის (დიპლომის/ების) ასლი/ები;
- 6.8. უცხო ქვეყანაში მიღებული განათლების დამადასტურებელი დოკუმენტის (დიპლომის/ების) ასლი/ები და მათი აღიარების კანონმდებლობით დადგენილი წესით გაცემული დოკუმენტი (ასეთის არსებობის შემთხვევაში);
- 6.9. სამსახურებრივი გამოცდილების ამსახველი კანონმდებლობით დადგენილი წესით გაცემული დოკუმენტი (ცნობა /შრომის წიგნაკის ასლი და სხვა);
- 6.10. დოქტორის ან მასთან გათანაბრებული აკადემიური ხარისხის დამადასტურებელი დოკუმენტის (დოკუმენტების) ასლი (ასეთის არსებობის შემთხვევაში);
- 6.11. უცხო ქვეყანაში მიღებული სამეცნიერო ხარისხის აღიარების კანონმდებლობით დადგენილი წესით გაცემული დოკუმენტი (ასეთის არსებობის შემთხვევაში);
- 6.12. ჯილდოების, პრემიების, წოდებების, სტიპენდიების მიღების დამადასტურებელი დოკუმენტაციის ასლები;
7. წინამდებარე ბრძანების მე-6 პუნქტით გათვალისწინებული დოკუმენტაცია წარმოდგენილი უნდა იქნეს როგორც ბეჭდური, ისე ელექტრონული სახით, ჩაწერილი CD-ზე;
8. საკონკურსო დოკუმენტების მიღება იწარმოებს 2023 წლის 15 ივნისიდან 2023 წლის 21 ივნისის ჩათვლით 10.00-დან 18.00 საათამდე, (შაბათ-კვირის გარდა, შესვენება 13.00-დან 14.00-მდე) კონსერვატორიის საკონკურსო დოკუმენტაციის მიმღებ აპარატში, (მისამართი: ქ. თბილისი, ალ. გრიბოედოვის ქ. No8-10, ოთახი No212, ელექტრონული მისამართი: konkursi@tsc.edu.ge);
9. ბრძანება გამოქვეყნდეს გაზეთში „რეზონანსი“, განთავსდეს კონსერვატორიის ოფიციალურ ვებ-გვერდზე www.tsc.edu.ge და კონსერვატორიის ყველასთვის თვალსაჩინო ადგილებზე, მისი საჯაროობისა და დაინტერესებულ პირთათვის ხელმისაწვდომობის უზრუნველყოფის მიზნით.
10. წინამდებარე ბრძანება დაინტერესებული პირის მიერ შეიძლება გასაჩივრდეს კანონმდებლობით დადგენილი წესით ძალაში შესვლის დღიდან 1 თვის ვადაში ქ. თბილისის საქალაქო სასამართლოში (მისამართი: ქ. თბილისი, დავით აღმაშენებლის ხეივანი, მე-12 კილომეტრი, No64).
11. ბრძანება ძალაშია ხელმოწერისთანავე.

თბილისის ვ. სარაჯიშვილის სახელობის
სახელმწიფო კონსერვატორიის რექტორი

ხელმოწერილია/
შტამგდასმულია
ელექტრონულად



ნანა შარიქაძე